



**Акафист Святителю Иоанну Шанхайскому
и Сан-Францисскому Чудотворцу**

Трѣтѣе. Прегѣла трѣце: Оче нашъ: Гдѣ помилуй, бѣ. Слава, и нынѣ:

Прѣидите, поклонимъ црѣви нашемъ бгѣ.

Прѣидите, поклонимъ и припадѣмъ хрѣту, црѣви нашемъ бгѣ.

Прѣидите, поклонимъ и припадѣмъ самомъ хрѣту црѣви и бгѣ нашемъ.

Псаломъ двѣдъ, рмѣ.

Гдѣ, оубѣши млтвѣ моѣ, внѣши молѣнїе моѣ во истинѣ твоѣй, оубѣши мѣ въ правдѣ твоѣй: И не вниди въ сѣдъ съ ракомъ твоимъ, ѣкѣ не ѡправдиша предъ тобою всѣхъ живѣй. Ёкѣ погна врагъ дшѣ моѣ, смириша сѣтъ въ зѣмлю живѣтѣ моѣ: Посадиша мѣ сѣтъ въ тѣмныхъ, ѣкѣ мѣртва въ кѣка. И оубѣши во мнѣ дшѣ моѣ, во мнѣ смѣтѣла сѣрдце моѣ. Поманиши днѣ дрѣвнїа, побѣдиша во вѣхѣхъ дѣлѣхъ твоихъ, въ творѣнїихъ рѣкѣ твоѣю побѣдиша. Воздѣхъ къ тебѣ рѣцѣ моѣ, дшѣ моѣ ѣкѣ зѣмля безводна тебѣ. Скоро оубѣши мѣ гдѣ, и исчезѣ дшѣ моѣ: не ѡврати лица твоегѣ ѡ менѣ, и оуподоблюша низходящымъ въ рѣкѣ. Слышашъ сотвори мнѣ заштра млтѣ твоѣ, ѣкѣ на тѣ оубѣдиша. Скажи мнѣ гдѣ, пѣтъ, коньже поидѣ, ѣкѣ къ тебѣ вѣдѣхъ дшѣ моѣ. Изми ма ѡ врагъ моихъ, гдѣ, къ тебѣ прикѣгохъ, нащї ма твориши волю твоѣ, ѣкѣ ты сѣи бгѣ моѣ. Дшѣ твоѣ блгїи настѣвнѣ мѣ на зѣмлю правѣ. Имене твоегѣ ради гдѣ, живѣши мѣ, правдою твоѣю и зведѣши ѡ печѣли дшѣ моѣ: И млтѣю твоѣю потребиши врагѣ моѣ, и побѣдиши всѣ стѣжающыя дшѣ моѣ, ѣкѣ азъ рабъ твоѣ сѣмѣ.

Слава, и нынѣ:

Алалиа, алалиа, алалиа, слава тебѣ бжѣ. Трѣжды.

Тропарь, гласъ ѣ:

Попечѣнїе твоѣ ѡ пѣствѣ въ стѣнствѣи сѣ, / сѣ проѡбразъ и молѣтѣхъ твоихъ, за мѣрѣ всѣхъ приенѣхъ возношѣмыхъ: / тѣкѣ вѣрѣмъ, познавѣхъ люкѣхъ твоѣ, свѣтителю и чудотворче ѡанне, / всѣхъ ѡ бѣгѣ ѡсѣщенѣхъ свѣщеннодѣйствїемъ пречѣстѣхъ тѣннѣ, / и ми же самъ приенѣ оубѣремъ, / поспѣшѣхъ сѣи ко стѣждѣщимъ, целителю ѡраднѣйшїи. // поспѣши и нынѣ въ помошѣ намъ, вѣемъ сѣрдцемъ чтѣщимъ тѣ.

Вондѣхъ, гласъ дѣ:

Хрѣту пѣстыреначѣльнїкѣ послѣдовахъ, / во свѣтителѣхъ и зѣрднѣйшїи гѣвлѣ сѣи, / спѣсѣхъ во сѣи ѡкѣ своѣ ѡ гѣвнѣльствѣхъ безбѣжнѣхъ, / прѣстѣнице мѣрнѣе тѣмъ оубѣдѣхъ, и попечѣнїе непрѣстѣнное ѡ пѣствѣ имѣла, / врачѣлахъ сѣи и хъ недѣги дшѣвнѣхъ же и тѣлѣснѣхъ, / и нынѣ ѡ насъ къ твоимъ чѣстнѣмъ мошѣмъ припадѣющимъ, // моли Хрѣта бѣга, ѡче ѡанне, въ мѣрѣ спѣсѣса дшѣамъ нашымъ.

Величѣнїе:

Величѣемъ тѣ, свѣтителю ѡче ѡанне, и чтѣмъ свѣтѣю пѣмѣтъ твоѣ; ты во молиши за насъ Хрѣта бѣга нашего.

Кондакъ ѿ:

Избранный чюдотворче и иждивный оубо́дникъ Христо́въ,/ всемѹ мѣру и́сточа́и
о́бильныхъ стръи́ дѹховнаго наставлѣнїа/ и дѣвныхъ чюдесъ мно́жество,/
восхваля́емъ тѣ съ лю́бовїю и зове́мъ ти://

Ра́дуйся, святи́телю отче Ио́анне,/ въ бѣда́хъ ско́рый помо́щникъ.

Икос 1

Ангела образом яви тебе в последняя времена вся твари Создатель, да с Материю Божию печешся о людехъ земныхъ. Взирающе же на добродетели твоя, преблаженне Иоанне, вопием ти сице:

Радуйся, с ранняго детства благочестием укра́шенный.

Радуйся, иже со страхом и трепетом волю Божию исполнивый.

Радуйся, иже явивый благодать Божию в тайныхъ благоде́янияхъ.

Радуйся, быстрое далече сущихъ страждущихъ услы́шание.

Радуйся, любвеобильное поспешение ближнимъ своимъ во спасе́ние.

Радуйся, радование всемъ с верою к тебе припа́дающимъ.

Радуйся, святителю отче Ио́анне,/ в бедахъ скорый помо́щникъ.

Кондакъ 2

Видяще обильное добродетелей твоихъ излияние, святителю славный Иоанне, просвещаемся духомъ, яко живоносный источникъ чудесъ Божиихъ напаяеши насъ, верно вопиющихъ к Богу: Аллилуиа.

Икос 2

Разум имей преесполненный любве, купно и богословия, богомудре Иоанне, и богопознаниемъ умудренный, и к страждующимъ людемъ любовь украшенный, познавати истиннаго Бога насъ научи, да и мы во умиленїи вопиемъ ти:

Радуйся, непоколебимая твердыне истины правосла́вия.

Радуйся, драгоценный сосуде Духа Свята́го.

Радуйся честный обличителю неверия и лжеуче́ния.

Радуйся, ревностный исполнителю заповедей Бо́жихъ.

Радуйся, подвижникъ не давая на ложе себе отдохнове́ния.

Радуйся, возлюбленный пастырю стада Христо́ва.

Радуйся, святителю отче Ио́анне,/ в бедахъ скорый помо́щникъ.

Кондак 3

Силою благодати Божия благий сиропитатель и наставник юношам явился еси, воспитуя в страхе Божиим и приуготовляя их к служению Богу. Сего ради чада твоя взирают на тя и благодаряще вопиют Богу: Аллилуиа.

Икос 3

Имеяше воистинну, отче Иоанне, с небесе тебе песни воспеваемей быти, а не от земли: како бо кто от человек возмогл бы твоих дел величие проповедати; мы же, приносяще Богу, яже имамы, вопием ти сице:

Радуйся, непрестанною молитвою покрывая чада твоя.

Радуйся, охранителю стада твоего крестным знамением.

Радуйся, любви великия вместилище, не взирая на языков различия.

Радуйся, святильниче всесветлый и вселюбимый.

Радуйся, образе молитвы непрестанныя и милосердия.

Радуйся, утешений духовных подателю требующим.

Радуйся, святителю отче Иоанне,/ в бедах скорый помощниче.

Кондак 4

Бурею напастей одолеваемы: како достойно возможем восхвалити чудеса твоя, блаженне Иоанне; яко прошел еси до конец вселенныя, спасения ради паствы твоя и благовествования Евангелия сущим во тьме. Благодаряще же Бога за апостольския труды твоя, воспеваем Ему: Аллилуиа.

Икос 4

Слышаша ближнии и дальнии величие чудес твоих, Божию Материю даже до нашего времени являемых, темже в тебе Богу прославляющемуся дивящися, в страхе вопияху:

Радуйся, просветителю сущих во тьме неверия.

Радуйся, приведи людей твоих с востока дальняго до запада.

Радуйся, источниче чудес изливаемых Богом.

Радуйся, с любовию вразумляя заблуждающих.

Радуйся, скорый утешителю кающихся о гресех своих.

Радуйся, путевождю грядущих путем правым.

Радуйся, святителю отче Иоанне,/ в бедах скорый помощниче.

Кондак 5

Богодарованный свет явился еси, бури всех лютых разгоняяй, сущих на острове от вихрей смертоносных молитвами твоими охраняяй, святителю Иоанне, и крестным знаменем ограждай. Научи и нас, призывающих тя в помощь, чудотворче святой, к Богу со дерзновением взывати: Аллилуиа.

Икос 5

Видим многую помощь твою в напастех и обстояниях, преблаженне отче Иоанне, дерзновенный бо ходатай пред престолом Божиим и скорый в бедах помощник еси. Того ради и мы на твое предстательство пред Богом уповаем и вопием ти:

Радуйся, стихий опасных прогонителю.

Радуйся, молитвою своею от нужд избавляяяй.

Радуйся, алчущим хлеба присный подателю.

Радуйся, приуговляяй просящим изобилие.

Радуйся, утешителю в скорбех сущих.

Радуйся, многих падших от погибели исхитительный.

Радуйся, святителю отче Иоанне,/ в бедах скорый помощниче.

Кондак 6

Проповедуя спасение, яко новый Моисей гугнивый явился еси, изводя люди твоя из плена безбожных, преблаженне Иоанне. Избави и нас от работы греховных и врагов невидимых, да радуяшеся вопием к Богу: Аллилуиа.

Икос 6

Возсияв праведностью своею, совершил еси неисполнимое, о добрый пастырю: преклонил бо еси власти мирския сострадати о людех твоих. Того ради с ними купно и мы благодарственно вопием ти:

Радуйся, пастырю добрый, пастве твоей, пресельником, тихое пристанище уготовавый.

Радуйся о детех и болящих наипаче попечение имевый.

Радуйся, усердно ты призывающим верно помогаяй.

Радуйся, яко в немощном телеси твоём сила Божия независтно совершашеся.

Радуйся, отразителю нападения нечестивых.

Радуйся, помрачителю лжи и проясителю истины.

Радуйся, святителю отче Иоанне,/ в бедах скорый помощниче.

Кондак 7

Хотя достойно прославить древних святых Запада, отпадшаго от истины, восстановил еси почитание их в Церкви Православной, о любителю святых Востока и Запада. Днесь с ними на небеси моли о нас, поющих на земли: Аллилуиа.

Икос 7

Новаго видим тя избранника Божия, иже вкупе со святители древняя Галлии явился еси в последняя времена яко един от сих, вдохновляя паству твою соблюдать православную веру, якоже же сии на Западе исповедаху. Сохрани и нас в вере сей пребывать, вопиющих ти:

Радуйся, новый Мартине в воздержании, подвизех и чудесех твоих.

Радуйся, новый Германе во исповедании твоём православныя веры.

Радуйся, новый Иларие в божественном богословии.

Радуйся, новый Григорие в почитании и прославлении угодников Божиих.

Радуйся, новый Фаусте иноческим усердием.

Радуйся, новый Кесарие в твердой любви ко правилу церкви Божи.

Радуйся, святителю отче Иоанне,/ в бедах скорый помощник.

Кондак 8

Странное видение предста ти: в земли новой встретил еси паству твою бывшую, смущаему скорбями многими, но яко дивный пастырь наставил еси ю поучением, терпением и праведностию своею, и церковь Божия Матере, яже всех скорбящих Радость есть, воздвигл еси: мы же удивляющесе терпению и смирению твоему, благодарно вопием к Богу: Аллилуиа.

Икос 8

Всего себе предав Христу, был еси делатель винограда Его, богоносне отче, не ведал бо еси покоя до конца многострадального живота твоего. Помози и нам недостойным в деланиях наших и в нашем прилежании в верности Христу, да славяще, вопием ти:

Радуйся, претерпевый до конца и достигший спасения.

Радуйся, пред иконою Богоматери умрети сподобивыйся.

Радуйся, посреде гонения неправедного мужественный правды хранителю.

Радуйся, совершивый служение свое до конца и кончину приемый сядя, яко иерарх.

Радуйся, по смерти утешивый паству чудесным своим возвращением.

Радуйся, многих чудес подателю к раце твоей с верою и любовию притекающим.

Радуйся, святителю отче Иоанне,/ в бедах скорый помощник.

Кондак 9

Все естество ангельское восхождением твоя души в небесныя обители возрадовашася, мы же удивляющеся твоим чудесем на земли, действием Святаго Духа являемым, воспеваем Богу: Аллилуиа.

Икос 9

Ветии многовещаннии не возмогут изобразити по достоянию строгости жития твоего, о праведне отче Иоанне, понеже дом благодати неизреченнаго Бога был еси, мы же не можем умолчати, чудеси явлену нашему маловерному веку дивящеся, и прославляем тя сице:

Радуйся, божественных наставлений палато.

Радуйся, яко смиренным деланием ангелы сослужители себе сотворивый.

Радуйся, обрeтый вечное и нерукотворное жилище наа небесех.

Радуйся, врачебнице, в нейже всяк недуг от Бога врачуется.

Радуйся, молитвеннаго подвига хранилище.

Радуйся, освященный храме Духа Святааго.

Радуйся, святителю отче Иоанне,/ в бедах скорый помощниче.

Кондак 10

Спасти хотя мир, иже всех Спаситель, новаго святаго посла нам, и чрез него из темных глубин греховных воззва ны. Слышаше же его нас призывающа, мы недостойнии взываем к Богу: Аллилуиа.

Икос 10

Стена еси всем прибегающим к твоему небесному заступлению, отче Иоанне, темже и нас от демонских нападений ограждай, в бедах и нуждах, стужающих нам на земли помогай, да с верою тебе взываем:

Радуйся, ослепших прозрение.

Радуйся, силою молитвы жизнь на смертном одре сущим подаваяй.

Радуйся, богооткровенное вразумление в смятении и сомнениях сущим.

Радуйся, спасительная благо, орошающая в знойной печали погибающих.

Радуйся, сырым и оставленным отеческое заступление.

Радуйся, святой учителю ищущих истины.

Радуйся, святителю отче Иоанне,/ в бедах скорый помощниче.

Кондак 11

Пение непрестанное ко Пресвятей Троице, преблаженне отче Иоанне, мыслию, словом и доброделанием принесл еси: многим разумением истинныя веры Божия повеления уяснил еси верою, надеждою и любовию наставляя нас в Троице Единому Богу воспевати: Аллилуиа.

Икос 11

Светодательна светильника православия сущим во мраце неведения зрим тя, стада Христова добрый пастырю. Тако и по успении твоём являеши истину неведущим ея, просвещая души верный, вопиющих ти таковая:

Радуйся, просвещение мудростию Божиею сущих в неверии.

Радуйся, радуге тихия радости кротких.

Радуйся, громе, устрашай во гресе упорствующих.

Радуйся, молние, ереси пожигающая.

Радуйся, одождие догматов православия.

Радуйся, орошение богомыслия.

Радуйся, святителю отче Иоанне,/ в бедах скорый помощниче.

Кондак 12

Благодать, данную ти от Бога ведающе, сию с благоговением и благодарностью приемлем, к заступлению твоему чудному притекающе, о всехвальне отче Иоанне, твоя же чудеса прославляюще, взываем к Богу: Аллилуиа.

Икос 12

Поюще хвалу Богу, небесный сонм святых радуется, яко не остави Господь падший и безверный мир, но явил есть всемогущую силу свою на тебе, кротком и смиренном слугителе, о блаженне Иоанне, и мы со всеми святыми радуемся, чтим тя сице:

Радуйся, новая звездо праведности, на небе возсиявшая.

Радуйся, новый пророче, посланный пред конечным воцарением зла.

Радуйся, якоже Иона о возмездие за грехи предрекий.

Радуйся, якоже Креститель всех к молитве и покаянию призывавый.

Радуйся, якоже Павел много терпевый ради Евангелия и проповедания веры.

Радуйся Апостоле новый, своими чудесы вселяяй в нас благоговейный трепет и веру.

Радуйся, святителю отче Иоанне,/ в бедах скорый помощниче.

Кондак 13

О пресветлый и предивный угодниче Божий, святителю отче Иоанне, утешение всем в скорбех сущим, нынешнее наше молитвенное прими приношение, да молитвами твоими от геены огненной избавимся и богоприятным твоим ходатайством сподобимся во веки воспевати Богу: Аллилуиа.

(кондак сей глаголи трижды таже икос 1-й и кондак 1-й).

Молитва

О святителю отче Иоанне, пастырю добрый и тайновидче душ человеческих! Ныне у престола Божия за нас молишися, якоже и сам посмертне изрек еси: аще и умрох, но жив есмь. Умоли Всещедраго Бога прощение нам во гресех даровати, да бодренно воспрянем, и Богу возопием о даровании нам духа смирения, страха Божия и благочестия во всяческих путех жизни нашея, яко милостивый сиропитатель и искусный наставник на земли быв, ныне буди нам путеводитель и в смутах церковных Христова вразумление. Услыши стенание смятенных юношей нашего лихолетия, обуреваемых беснованием вселукавым, и призри на уныние изнемогающих пастырей от утеснения тлетворнаго духа мира сего и томящихся в нерадении праздном, и ускори на молитву, слезно вопием ти, о теплый молитвиниче: посети нас сирых, по всему лицу вселенных резсеянных и во отечестве сущих, но слабою любовию ко свету Христову влекущихся и ждущих твоего отеческаго наставления, да благочестию навыкнем и наследницы царствия небеснаго явимся, идеже ты пребываеши со всеми святыми, славяще Господа нашего Иисуса Христа, емуже честь и держава ныне и присно и во веки веков. Аминь.

Молитва Вторая

О святителю чудне Иоанне, толико распространил еси сердце свое, яко нетесно вмещается в нем множество почитающих тя человек от различных племен и народов. Призри на убожество словес наших, обаче от любве к тебе приносимое и помози нам, угодниче Божий, поне отныне очищати себе от всякия скверны плоти и духа, работая Господу со страхом и радуяся Ему с трепетом. И что воздамы тебе за радость оную, юже ощутихом, зря в храме святем мощи твоя святыя и прославляюще память твою. Воистину, не имамы чим воздати, точию: аще начнем себе исправляти, бывая новыми вместо ветхих. Сея благодати обновления буди нам ходатай, о святе Иоанне, преставленный от сего временного во иное житие вечное, в неже настави тя Пречистая Владычица, Одигитрия зарубежия и рассеяния русского, чудотворною Своею иконою Коренно- Курскою, Ея же спутник ты явился еси в день преставления своего, о Ней же радуешися ныне в лице святых, славящих единого в Троице славимаго Бога, Отца и Сына, и Святаго Духа ныне и присно и во веки веков. Аминь.